

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 243944 24 St
Zenica, 10.03.2025. godine

Općinski sud u Zenici, stečajni sudija Amela Sinanović, u stečajnom postupku nad imovinom stečajnog dužnika INOX-METALL d.o.o., ul. Bilješavo bb, Kakanj, koga zastupa punomoćnik Spahić Ejub, advokat iz Kakanja, MBS: 43-01-0049-18, van ročišta, dana 10.03.2025. godine, donio je sljedeće:

RJEŠENJE

Otvara se stečajni postupak nad imovinom stečajnog dužnika INOX-METALL d.o.o., ul. Bilješavo bb, Kakanj, matični broj subjekta upisa: 43-01-0049-18, dana 10.03.2025. godine u 15,00 sati.

Za stečajnog upravnika, sa liste stečajnih upravnika, se imenuje Begagić Jasmin iz Zenice, ul. Londža br. 92.

Pozivaju se povjerioci da u roku od 30 dana, od dana objave ovog rješenja u Službenim novinama Federacije BiH, prijave svoja potraživanja, koja imaju prema stečajnom dužniku, podnošenjem prijave Općinskom sudu Zenica na broj 43 0 St 243944 24 St, uz uplatu sudske takse u iznosu od 1% od vrijednosti potraživanja, ali ne manje od 50,00 KM, niti više od 10.000,00 KM na račun budžeta ZE-DO kantona broj:134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti naziv, sjedište, ime i prezime, boravište, pravni osnov i iznos potraživanja, kao i broj svog računa kod poslovne banke.

Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika, koja je u njihovom posjedu.

Pozivaju se povjerioci da stečajnog upravnika, u roku od 30 dana, obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Nalaže se registru poslovnih subjekata ovog suda da uz firmu, ili naziv stečajnog dužnika izvrše upis oznake "u stečaju", a u rubrici "lica ovlaštena za zastupanje subjekta upisa" umjesto imena i prezimena direktora, upis imena i prezimena stečajnog upravnika.

Nalaže se zemljišno-knjižnim uredima i nadležnim katastarskim operatima, kod kojih se vode nekretnine na imenu stečajnog dužnika, da izvrše upis rješenja o otvaranju stečajnog postupka.

Ispitno i izvještajno ročište u ovom postupku zakazuje se za dan 29.04.2025.godine u 09,00 sati, u zgradi Općinskog suda Zenica, te se na isto pozivaju povjerioci stečajnog dužnika, koji podnesu prijavu potraživanja, kao i stečajni upravnik.

Rješenje o otvaranju stečajnog postupka objaviti će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objaviti će se izreka rješenja

O b r a z l o ž e n j e

Predlagatelj kao stečajni dužnik je dana 29.03.2024. godine ovom sudu putem punomoćnika podnio prijedlog za otvaranje stečajnog postupka nad društvom INOX-METALL d.o.o., ul. Bilješavo bb, Kakanj.

Privremeni stečajni upravitelj Begagić Jasmin iz Zenice je u vezi sa ispunjavanjem uvjeta za otvaranje stečajnog postupka nad imovinom stečajnog dužnika sačinio Izvještaj od 21.11.2024.godine i Dopunu Izvještaja od 31.12.2024. godine, te je na ročištu za ispitivanje uvjeta za otvaranje stečajnog postupka održanom dana 05.03.2025. godine, izjavio da obaveze stečajnog dužnika iznose 21.873,67 KM uvećano za zakonsku zateznu kamatu i to u odnosu na: Upravu za indirektno oporezivanje iznos od 3.200,97 KM po osnovu duga za indirektno poreze, Poreznu upravu FBiH, KPU u iznosu od 14.953,33 KM koji iznos se odnosi na novčane kazne, doprinose i komunalne takse za period od 01.01.2020. godine do 31.12.2023. godine, iznos od 466,69 KM na ime komunalne naknade prema PU F BiH, KPU Zenica, te iznos od 2.591,08 KM uvećano za zakonske zatezne kamate i troškove sudskog postupka u iznosu od 761,60 KM prema povjeriocu Milkos d.o.o. Sarajevo. U pogledu ostale imovine stečajnog dužnika, izjavio je da stečajni dužnik posjeduje pmv marke Renault Traffic, 2005. godišta, broj šasije VF1FLACA66Y115650 koje se nalazi na adresi Popržena Gora bb, Općina Kakanj u posjedu osnivača stečajnog dužnika, te da je na adresi sjedišta stečajnog dužnika pronađen jedan printer i jedna stolica, a koja imovina je procijenjena od strane vještaka u ukupnom iznosu od 3.781,20 KM. Iz Izvještaja o računima poslovnog subjekta, dostavljenog od Centralne banke, utvrđeno je da stečajni dužnik ima otvoren jedan transakcijski račun kod Sparkasse bank d.d., te da je isti blokiran od 22.01.2021. godine. U odnosu na Bilans stanja na dan 31.12.2023. godine pod stavkom 1. koja se odnosi na postrojenja, opremu i namještaj, evidentiran je iznos od 2.698,00 KM, te isto predstavlja imovinu koja je pronađena na licu mjesta, koja je prethodno navedena, te za koju je dostavljena procjena vještaka. U odnosu na kratkoročnu imovinu koja se odnosi na akontaciju poreza na dobit, evidentirano u Bilansu stanja u iznosu od 3.330,00 KM, obzirom da je predmetni Bilans stanja rađen 31.12.2023. godine, isti u odnosu na 2024. godinu se ne vodi. Također, ističe da je u Bilansu stanja isknjižena stavka 036 koja se odnosi na kratkoročnu imovinu – novac i novčane ekvivalente. U konačnom, privremeni stečajni upravitelj je izjavio da stečajni dužnik ne posluje već dugi niz godina, niti ostvaruje bilo kakve prihode, te mu je račun blokiran dvije godine prije podnošenja prijedloga za pokretanje stečajnog postupka, slijedom čega smatra da isti nije pokrenut u zakonskom roku od 60 dana od dana nastupanja platežne nesposobnosti, da postoji razlog za otvaranje stečajnog postupka, a to je plažena nesposobnost stečajnog dužnika, da postoji imovina iz koje je djelimično moguće namiriti troškove postupka zbog čega predlaže da sud otvori stečajni postupak.

Punomoćnik predlagatelja nije imao primjedbi na izvještaj i izjašnjenje privremenog stečajnog upravnika.

Sud je nakon uvida u dokaze priložene u spis, kao i u Izvještaj i Dopunu Izvještaja privremenog stečajnog upravnika odlučio kao u izreci.

Cijeneći sve naprijed navedeno sud je ovim rješenjem odredio dan i čas otvaranja postupka, imenovao stečajnog upravnika koji ispunjava uvjete iz odredbe člana 71. stav 2. tačka c) , člana 73, a u vezi sa odredbom čl. 76 Zakona o stečajnom postupku, te pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja

potraživanja, te je odredio i dan i čas za koji je zakazano ispitno i izvještajno ročište, sve u skladu sa odredbama Zakona o stečaju.

PRAVNA POUKA

Protiv ovog rješenja stečajni dužnik može uložiti žalbu Kantonalnom sudu u Zenici, u roku od 8 dana od dostave rješenja. Žalba se podnosi putem ovog suda.

Stečajni sudija
Amela Sinanović, s.r.